

آبونه شرائطی : هریر ایچون
سنه لکی (۴۰۰) آلتی آیلمی
(۲۲۵) ممالک اجنبیه ایچون
سنه لکی (۴۵۰) ، آلتی آیلمی
(۲۵۰) غروشدور .

نسخه سی ۷,۵ غروشدور .
سنه لکی ۵۰ ع ددر .

اداره خانه : باب عالی جاده سنده
رشید افندی خاندن .

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدلمه یین
یازیلر اعاده اولماز .

تذکره

۱۳۳۹

آدره من تبدیلنده ایریخه
غروش کوندرلملیدر .

مکتوبلرک امضالری واضح
واوقوناقلی اولسی و آبونه
صره نوسروسی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلمسی رجا اولنور .

پاره کوندردلیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل ارشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

افندیلر ، غربیللاشمقله خلاق قارنی طویماز . غربیللاشمقله ایش و ثروت تأمین ایدلز .
خلقه وملتہ - اوملتہ کہ جهانی آت اوست ایدن یک معظم بر مجادلہدن غالب چیقمشدر - رفاه ، سعادت و ثروت تأمین ایتک ایچون اونک پاره سنی خارجه قاجیرمامغه چالیشہ جغمز یرده زواللی ملتی بوسبتون اوچورومه آتہ حق مضر تلقیناتده بولونیورز : غربیللاشمقلم ا دیورز .
غربیللاشمقه هوسکار بر قاج منورک منی استقامتہ کیتہ لری ، دیگر کنجلیزمک مساهبتی عقامتہ اوغراتہ حق اسباب حاضرلیور .
افندیلر ،

ملت ، غربیللاشمقله دکل ، آنجق دین مبین اسلامه صارلق صورتیلہ موجودیتی قورتارمش [سوره کلی آلقیشلر] تورک اوغلنی هرشیدن تجرید ایتسه کز دین مبین اسلامدن باشقه استناد ایدمک یری یوقدر . افندیلر ،
ملت هر درلو محرومیت ایچنده امیدسز بر مجادلہ نیچون آتیلمشدی ؟ اولاً تحقیر ایدیلن مقدس دینی اعلا ایتک ، ثانیاً حیثیتی قورتارمق و دشمن آیاغی آلتنده ایکلہن اقسام وطنی تخلیص ایتک ایچون دکل ؟ مقدسات ملیہ و دینیہ مزہ ایدیلن حقارتی اعاده ایتک . امثالسز فدا کارلغه قاتلاندق . بوکا غربیللاشمق دکل ، دینزه صارلقله موفق اولدق .

تورک عدالتک تمثال مجسمیدر . وقتیلہ عدالتی ، شمدی چوق هوس ایتدیکنز هرب مدینیتی تورک تأسیس ایتش ، حق وعدلاک بوتون قانونلرینی الله آلمش و تطبیق ایتشکن آوروپا ظلم ایچنده ایکلہ یوردی . بویارلاق کونلردن صوکرآ مع الاسف دور انحطاطمز باشلامش و ملعون براسبتداد مملکتی محو و خراب ایتشد .

بومملکت استبداد آلتنده ایکلرکن آوروپا چالیشدی . تورکک مدینیتی وعدالتی کنديسته مال ایتدی .

قریم محاربہ سندن صوکرآده غربیللاشمق جریانلری بلیرمشدی .
اوزمانک غربیللق طاسلاقلری ، اولرینه فرنک مرہیلر آلتق صورتیلہ غربلی اولاجق لرینی ظن ایتشلردی . نتیجه نه اولدی . جملہ مزک معلومیدر .

بوانثالرده ، بزغربیللقله اشتغال ایدرکن ، غربیللاشمقه چالیشیرکن آوروپا حالی بر فمالیتله اقتصاد ساحه سنده چالیشدی . شرکتلر تشکیل ایتدی . اقتصادیاتنی انکشاف ایتدیردی ، بو انکشاف توسع ایتدی و مستولی بر شکل آلدی . مملکتیمزک محوینہ یورودی .

نتیجه بزغربیللاشمقه اوغراشیرکن غرب ، مکافاة بوغزه قایتولاسیون دینیلن برزنجیر اوردی .

عدالتی مملکتده استقرار ایتدیرمک ، متفکر و حقیق وطنپرور انسانلری مملکتده حاکم قیلحق لازمدر . آنجق بو سایه ده تورکک حرب زماننده یک قوتلی اولان قوللرندن مدینیت ، صلح و اقتصاد ساحه سنده ده استفادہ ایتک قابل اوله جقدر .

مملکتک سعادت و سلامتی و دین مبین اسلام اوغرندہ وجودیمی فدا ایتک ، هر هانکی بر فلاکت آئنده سزی ، تقدیس ایتدیکن منور کنجلیکی مسعود کورده ترک حیات ایتک اک برنجی هدم و غایہ مبر .

کاظم قرہ بکر پاشا حضرتلری طرفندن ایراد اولونان بومهم نطق دارالفنون محیطنده یک اوزون سنہ لردن بری مثلی ایشیدلمہ یں قیمتی سوزلری وبالخاصه صوک زمانلرده ترویج ایدیلک ایستہ نیلن بر طاقم ضلالت جریانلرینه قارشى یک قوتلی ضربہ لری احتوا ایتکده در . معلوم اولدینی اوزره صوک زمانلرده اک زیادہ ترویجی آرزو اولونان ، حق بوتون ملتہ مال ایدلمک ایستہ نیلن غربیللق و غربیللاشمق

اساسلرینک ترویجہ چالیشلیور ، بواساسانک ترویجی ، وحتی تطبیق ایچون بر طاقم مؤسسہ لر آچیلیور و بومؤسسہ لردہ وظیفہ مودوعہ لرینی ایفایہ غیرت ایدیورلردی . بوندن باشقه بوتون کنجلیکک بویابانجی و مضر تلقیناتہ مظالم اولدینی ده کوسترمک ایستہ یوردی . کاظم قرہ بکر پاشا حضرتلرینک دارالفنون کنجلیکی ایچنده ایراد ایتدک لری و فوق العادہ حسن تأثیر اجرا ایدیلکی کورولن مهم نطق کنجلیک اطرافنده قوباریلان باغیرہ نک قوروصیق برروپاغاندادن عبارت اولدینی کوسترمکده در . کنجلیکک اجتماعی غربیللق و غربیللاشمق دعواسندن اوزاق اولدینی بومناسبتله کوسترمسی جدآشایان شکراندر . بزدارالفنون کنجلیکیمزک ضلالت جریانلرندن اوزاق قالدینی کورمکله ممنون اولورز . ایسترک بوکنجلیک ضلالت جریانلرینه مجادلہ ایدن اک قوتلی مجاهد اولسون و بونی فعلیات و آثاریلہ اثبات ایتسین .

حکومت

اطلام اسمومبینک قوه مؤیدہ راجہ سید .

وقت غزته سنک انقرہ مخاری باش وکیل عصمت پاشا حضرتلریلہ بر ملاقات اجرا ایدرک مختلف سؤاللر میاننده شو سؤالی ده صورمش :
— خلیفه نک مسلمان مملکتلرندن کله جک بر مرخص طرفندن

انتخاب ایدیله جکی و بو شورانک خلیفه لکه بروجہ ویرہ جکی خبرلری شایع اولدی . بوخصوصده مطالعہ دولتکنز ندر ؟

عصمت پاشا بوسؤاله جواباً دیمشلرک :

— مقام خلافت حقندہ جریان ایدن حوادث و مطالعات ایلہ حکومت یاقیندن ، اوزاقدن هینچ بر صورتلہ علاقه دار دکدر . تورکیا حکومت جمهوریه سی ، تورکیا اداره دولته تعلق ایتمین بر مسئله ایلہ اشتغال ایتز . و تورکیا اداره دولته خارجدن هیچ بر مداخله مساعده ایلہ مز .

وقت غزته سی عصمت پاشانک بویاناتی حقندہ دیورک :

— پاشا حضرتلرینک سوزلردن آکلاشلیورک حکومت جمهوریه خلافتہ عائد مسائلہ هر هانکی بر صورتلہ مداخله ایتمی اداره دولت اموری خارجنده تعلق ایتکده و بالمقابلہ تورکیه اداره دولته خارجدن بر مداخله اجراسنی تجویز ایتمه مکده در .

ایلری غزته سی ده سوله دیور :

— باش وکیل بوملاقانده حکومت مسئله لرلہ خلافت مسئله لرینی یکدیگرندن قطعی بر صورتده تفریق ایدیور . بوک یکی بر سیاستدر . عینی زمانده ده یک فنی ، یک موافق و یک ای بر سیاستدر . حقیقت حالده دین ایشلری باشقه ، حکومت ایشلری باشقه دکلیدر ؟

بز بویکی سیاستک یک فنی ، یک موافق اولوب اولمادینی حقندہ برشی سوله یه جک دکدر . یالکنز (ایلری) نک حقیقت حالده دین ایشلری باشقه ، حکومت ایشلری باشقه ، دیمسی حقندہ بر قاج سوز سوله مک ایستہ یورز . عجبا حقیقت حالده بویله میدر ؟ امور دینیہ ایلہ امور حکومت تفریق اولونه رق

مسلمانانك اساسی و روحی نظر اعتباره آله رقی سوبلنشر بر سوز دكلدر ؟ خرسیتانلق معلوماتیله مسلمانلق حقنده مطالعه یوردولورسه طبیعی بویله دینیر . عجبا ایلری غزتهسنه بر سوال صورولسه ، دینیسكه :

— مادامكه دین ایله حكومت تفریق اولمشدر ، او حالده صوك تعدیلاتده دولتك دینی دین اسلام اولدینی نهدن تصریح اولوندی ؟ كذاك تشكیلات اساسیه قانونیله بویوك ملت مجلسنه عائد اولان احكام شرعییه تنفیذ واجرا صلاحیتی نهدن كندیسندن نزع اولونمادی ؟ عجبا بویله بر سواله نه دیر ؟ هیچ برشی دییه جکی یوقدر . مادامكه حقیقت حال بویله در ، او حالده دین ایشلریله ، اسلام مسئلهلریله حكومتك علاقه سزلنی ناصیل اوله بیلیر ؟ حكومت ، تشكیلات اساسیه قانوننده دولتك دینی دین اسلام اولدینی ، مجلسك احكام شرعییه تنفیذ واجرا ایله مكلف بولوندیغنی قالدیرمادجه حكومت دین ایشلریله قطع علاقه ایده من .

عجبا یا كاشفمی وار ؟

وطن غزتهسنك ویردیکی معلوماته كوره بویوك ملت مجلسی داخلیه انجمنی داخلیه وکیلی فرید بكك حضوریله مطبوعات قانونك ۲۶ نجی ، ۲۷ و ۲۸ نجی مادهلری مذاكره ایتش . تعدیلات قبول اولسان ۱۶ نجی مادهیه كوره : بویوك ملت مجلسی ویا رئیس جمهور حقنده ذموقدحی متضمن واقع اولاجق نشریات ایچون ۳ آیدن ۳ سنهیه قدر ، انبیای عظام و خلیفه ایچون واقع اولاجق ذموقدحی متضمن نشریات ایچون ۲ آیدن ۲ ایکی سنهیه قدر ، دول متحابه حكمدارلری وسائر دولت رئیسلری ایچون واقع اولاجق نشریاته قارشى ۳ آیدن ایکی سنهیه قدر جزا تعین ایدلش ا

(وطن) غزتهسنك ویردیکی بو معلوماتدن آكلاشیلیوركه بویوك ملت مجلسنه وریس جمهوره ذموقدح انبیای عظامه و خلیفه مسلمینه ذموقدحندن دهسا بویوك بر جرم تشكیل ایدیور ، بناء علیه دهسا آغیر بر جزایی استلزام ایدیور . هیچ ظن ایتیه یزكه بویوك ملت مجلسی وریس جمهور كندیلری فخر كاشناسات افندیملركده داخل بولوندیغنی قافله انبیای عظامك فوقنده ، یاخود انبیای عظام عایهم الصلاة والسلام افندیلمزى كندی موقعلریك مادوننده تصوراتیسیلرده بوتون تورك ملتنی وتورك ملتیه برابر بوتون امت اسلامیه یی رنجیده ایدمكك بویله بر طاقم تعدیلاتی تصویب ایتسیلر . بز هر حالده بر یاكاشلاق وقوعنی فرض ایدیورز .

تعدیلده ایکنجی بر غرابت دهسا وار ، اوده انبیای عظامه

حكومت لاشیق بر شكل می اکتساب ایتشدیر ؟ تشكیلات اساسیه قانوننه باقیلیرسه بویوك ملت مجلسك احكام شرعییه تنفیذ واجرا ایله مكلف اولدینی ، صوك تعدیلاتده دولتك دینی دین اسلام اولدینی ده آریجه تصریح ایدیلدیکی كوردولیور . بویله ایكن (ایلری) لك حكومتی دین ایشلریله علاقه سنی كشمش بروضیتده كوسترمك ایستهمسكك حكمتی آكلاشیله مایور . عجبا هر نه قدر ظاهرأ بویله ایسنده ، حقیقت حالده ، حكومتك دین ایشلریله علاقه سنی قالمامشدر ، می دیمك ایسته یور ؟ حكومتی ملته قارشى بویله كوسترمكده بیلیمیزكه نه فائده واردر ؟ فائده شوبله طورسون ، بزجه بونك چوق مضرتی واردر . خاق ، دین ایشلریك قوه مؤبده سز قالدیغنی ، یعنی شریعت اسلامیه یی اقامه ، تنفیذ واجرا ایدمكك بر قوه اجرائیه بولونمادیغنی كوره حك اولورسه بالطبع احكام اسلامیه لك معطل اولدیغنه ذاهب اوله جق وبو یوزدن قلوب اسلامیه یی قنور عظیم استیلا ایله یه جكدیر .

شبهه یوقكه « دین ایشلری » ده نجه دین اسلام ایشلری قصد ایدیور . یوقسه خرسیتانلق و یهودیك دینك ایشلری دكل . معلومدركه دین اسلام بو خصوصده دیگر دینلردن کلیاً فرقلیدر . دین اسلامك اساسی اولان قرآن کریم هم امور اعتقادیه و اخروییه شاملدر ، هم معاملات و عقوباته دائر امور دنیوییه یی . اسلامیت خرسیتانلق كی یالکیز بر طاقیم عقائد مجرددن عبارت دكلدركه دین ایشی حكومت ایشندن آیرمق قابل اوله بیلسین . مادامكه مسلمانلق امور دنیوییه عائد بر طاقیم احكامیه ده محتویدر ، او حالده بو احكامك اقامه سی ایچون بر حكومه ، بر قوه اجرائیه ، بر محكمه یه احتیاجی ضروریدر . اسلامیت بویله بر قوه اجرائیه دن محروم قالماز . زیرا او تقدیرده معطل اولور . بالطبع مسلمانلر مسلمان اولدجه احكام اسلامیه لك بر قوه اجرائیه دن محروم قاله رقی معطل اولوب كیتسنه رضا كوسترمزله . بناء علیه مسلمانلر فرض محال اوله رقی بویله بروضیتده دوشمش اولسه لر بیله بونی بر دور فترت عد ایدرك احكام اسلامیه یی تنفیذ واجرا ایله یه جك بر قوه مؤبده ، یعنی بر حكومه اولان احتیاجلری محافظه ایده جكلدر . بر اجنبی استیلاسی قارشیسندن بو شكل واقع اوله بیلیرسه ده بویله بر استیلادن مصونیت حالده تحقیقه امكان و احتمال یوقدر . اوله یا ، ارکان حكومت هم مسلمان اولسون ، هم احكام دنیوییه اسلامیه یی تنفیذ واجرادن ابا و امتناع ایتسون . بو ، غیر قابل تصوردر .

نته كیم تشكیلات اساسیه قانونی دولتك ماهیت دینیسنی محافظه ایتكمده در .

شو حالده ایلری لك حقیقت حالده دین ایشلری باشقه ، حكومت ایشلری باشقه در . دیمكدن مقصدی نه در ؟ بالطبع بوسوزلرك نظر اسلامده هیچ بر قیمتی ، هیچ بر معنای علمیسی یوقدر . چونكه